

Handlung u. Forderung
d. Bergwerks in St. Aod-
thims Psal. 525.

Yc
1120^h



X 19. a

3, 459.

EX
BIBLIOTHECA
JOANNIS CHRISTIANI
GODOFREDI JANI.
*S. & P. Regis Pol. & Elect. Sax.
& Consiliis Commissionum.*



59.

36



III 458.

UNIVERSITÄTS- UND
LANDESBIBLIOTHEK
SACHSEN-ANHALT
MAGDEBURG



1

Auffgerichte handlung

zu notdurfft vnd förderung des Berg
werges bneben zuuor angenomner vnd ausgegang
ner Ordnung/ Inn S. Joachims Thale.



Dennach die Knapschafft vnd
gemeyne ynn S. Joachims Thale/Son
nabents nach Cantate des funff vn zwan
zigsten Jares/ynn entpörung sich begez
ben vnd auffgestanden/Auch ynn solchem
auffstehen thetlich eyngriffe/scheden vnd
namen ynn an des Edlen wolgebornen herren Steffan
Schlicken/Grauen zu Bassawu/Herren zu Weystir
chen/Elbogen vnd Schlackenwerda/vnsers freuntli
chen lieben herren Schwagers vnnnd gnedigen herren/
behausunge vnd schlos/auch am Rathaus vnd andern
behausungen daselbst von etzlichen geubet vnd begangen
Vnd wiewol yetzt gedachter graff Steffan Schlick zc.
solchs vntzimlichs beginnen mit ernst zu dempffen/auch
mit geburlicher straffe darwider zutrachten fuge gehabt/
wie er dann auch mit hulff vnnnd zuthuen seyner herren
vnd freunde sich zum ernst gerichtet/vnd darwider yn
wehrliche furnemen gestanden/Auff das aber vber vor
rige keyn fernmer scheden vnd verteuffung mit nachteyl
feelen vnd leybes/auch cheren vnd guts/wie zubefaren
eyngefurt/sondern freyd vnnnd eyickeyt zu förderung des
Berckwerges/auch aller gewercken frembder vnd eyns
heymischer/so das yhre dahyn gewand/aber zukunfftiz
ger zeyt nach wenden möchten/die auch benebe viel vn
schuldiger hierynen am höchsten bewogen vnd bedacht/
auffgericht vnnnd erhalten wurde/So haben der Edle
vnd wolgeborne herr Alexander Burggraue von Leys
nick/herr zu Penick vnd auff Hauensteyn/Auch die ges
schickten vom Rathe/Gemeyne vnd Knapschafft von
S. Annaberck/durch fleysige vnd emsige vnterhandz
lunge bey wolgedachtem Graff Steffan Schlicken zc.

an



an eynem/ Auch Rath Gemeyne vnd Knapschafft vñ
allen andern so ym hauffen vñ entpörung yn S. Joach:
yms Thale gewesen/ andern teyls/ furgewand am tage
vnser herren hymelfart folgende/ yhre gebrechen vnd
yrrungen auff vnter schriebenen weg vnd anstand bered
vnd betedingt/ also bescheydentlich/ das Graff Steffan
Schlick zc. auff benanten Sinstag nach vnser Frauen
heymfuchung/ yn S. Joachims Tale/ Vier seyns ges
fallens/ dartzu der Rath Gemeyn vñ Knapschafft auch
Vier/ aus eynere odder mehr Berckstetten/ niddersetzen
vnd die selbigen Achte auff bestimpten Sinstag zu frus
er tagzeyt die handlung furnemen vnd anfahen/ von als
len vnd yetzlichen gebrechen/ so der gemeyn hauff/ Graff
Steffan Schlick zc. ynn gemeltem auffruer oder nach
hernachmals furgetragen/ Desgleychen vnd herwider
was Graff Steffan Schlick zc. auch vom wegen seyn
vnd seyner Bruder furtzubringen hette/ nach vermöge
der gestelten vnd angenommen Berckordnung mitt fleys
handeln/ gutlich zuertragen vnd hyntzulegen/ vnd was
die selbigen Achte erkennen wurden/ darbey es auch aller
seyts bleyben vnd gehalten werden solt/ Zu solchem tag
vnd handlung vom Rache Sechsse/ Acht oder Zehen
von der Gemeyn/ auch von der Knapschafft vnd gemey:
nem hauffen/ yedem teyl souiel zu eynem ausschus gege
ben/ die ym namen vnd von wegen der gantzen samlung
vnd yhr aller den handel furtzutragen vñ zu beschliessen
macht haben/ vnd also ynn vermöge yetzo berurts anlass
Graff Steffan Schlick zc. vnser freuntlicher lieber sch:
wager vnd gnediger herr/ fur sich vnd seyne bruder vñ
hernachgeschriebene/ Hansen Pfluge herren vom Ra
bensteyn vnd auff Petschaw / Rudolffen von Bunaw
Rittern/ Hoffmeyster Apel Ditzhumb auff Newen
A ij Schönbergt/

schönberck/ Vnd Jobsten Thusell Satzenschiffer Archi
diacon vnd Pfarrer zu Falckenaw/ Sarneben Rath ge
meyn vnd Knapschafft ynn S. Joachims Tale/ Vnd
Urban Dsan/ vnd Magistern Anthonien Kömbelt
von S. Annaberck/ Hansen Hausman/ vñ Ulrichen
Grösgen von Freyberg/ Burgere vnd geschickten zu
obbemelter handlung verordnet vnd niddergesetzt/ ha
ben wyr Acht benante samptlichen/ klag vnd gegenklag
angehört/ vnd sie yhrer erhabenen vnd schwebenden ge
brechen nachfolgender weys gestalt/ vnd massen yhren
hynstellen vnd verwilligung nach yn der sune vnd guts
lichen entscheyden vnd vertragen.

Zum Ersten

Soll die Berckordnung wie die von Grauen Ste
fan Schlick zc. gestellet von gemeynen eynwonern ynn
S. Joachims Tale zuuor auch yetzo angenommen bewil
liget vnd ynn druck ausgegangen ynn allen Artickeln/ von
der herschafft bis auffder selbigen zimliche anderung
vnd verbesserung/ Auch von allen Amptleuten vnd
Sienern/ desgleychen von den gemeynen Gewercken/
eynwonern vnd allen dyses Berges verwanten/ wo vñ
wie die eynen yetzlichen betrifft/ fleysig gehalten vnd
dero nachgangen werden.

Zum Andern.

Sieweyl an schleuniger entrichtung der austey
lung/ auch sonderlich wo die mitt grober muntz gegeben
wirdet/ grosse förderunge des Zehenten vnd Berckwers
gehaftet/ vnd auch der gemeyn Berckman darmit luz
stig

stig gemacht/soll sich Graff Steffan Schlick 2c. als der
regierend herr zum höchsten fleysigen/die austeylung
yedes Quartal nach vermöge der Ordnung eynem yetz
lichen der die zu fordern vnd zu heben hat/on alles anse
hen der Personen/zum aller förderlichsten mitt grober
Joachimsthaler Muntz zugeben/damit keyn Gewerck
dyses falles zu klagen ursach haben möge.

Zum Dritten.

Soll das lohn von dato an die nechsten zwey Jar
allewegen aus dem Zehenden eyn teyl mit Joachimst
thaler muntz/vnd zwey teyl mitt weysen Behemischen
Pfenningen gegeben/Aber nach verfließung der zweyer
Jar/ soll der selbige wochenlohn hynfurder halb mitt
Thaler Muntz/vnd halb mit weysen Pfenningen ge
geben werden.

Vierdten.

Soll das Retardat auch mit den retardat teylen/
nach vermöge der funff Syben Acht vnd funffzigsten
Artickeln der Berckordnung allenthalben gemes gehal
ten vnd gehandelt auch darynnen sonder ansehung der
Personen versaren werden.

Funfften.

Wiewol gemeyne Freyheyten so Graff Steffan
Schlick 2c. das holtz odder waldzins betreffend/gemey
nem Berckwerge zu förderung gnediglich gegeben fur
etzlichen Jaren verlossen/Auch gedachter Graff Ste:

2 iiij ffan

ffan Schlick' zc. des halb die welde zum besten zu geniefsen fug gehabt/so hat er doch auff fleysige vnser vnterhendeler emsiges ansuchen vnnnd bitt/solliche freyheyten dem Berckwerge zu förderung von dato drey Jar lang erstreckt/also das eyn yeder zu nutz des Berckwerges/aller seyner welde (doch nicht seyns gefallen) sonder nach anweysung der verordneten heger drey Jar lang gebrauchen mag/Wo aber eyner odder mehr sich der heger weysung nicht verhalten wurde/soll darumb gestrafft werden.

Sechsten.

Nachdem die gestelte vnd angenommene Berckordnung vom Vier vnd sechzigsten bis ynn den Achtzigsten Artickel/klare vorsehung thut wie es yn hutten schmelzen/treyben/schicht zu halten/auch was allerley notdurfft/als Kolen/Bley/Steyn/Schlacken/huttenreuter vnd schreyber/auch anders betrifft/gehalten werden soll/So soll auch der selbigen Ordnung yn allen sollichen Puncten/Stucken vnd Artickeln bis auff der herschafft verbesserung vnnachlessick/gelebt/auch die vbertreter ynhalts der selbigen odder sonst durch die herschafft mitt ernst gestrafft werden/vnd ob eynicher gewerckschafft geliebde vmb yhres nutz willē/die stuck zum schmelzen dienen/als steyn flös vnd anders selbst zuschicken/soll ynn ynhalts der Ordnung zuthun/vnuerspert seyn.

Es soll auch nyemands ynn eyniche hutten zu ziehen gezwungen nach eynicher gestalt gemussiget werden/sonder eynem yeden frey seyn/nach der gewercken nutz/eyn odder aus der hutten zu ziehen.

Adit

Mitt den Proben vnd abschneiden/soll es nach ver
möge des Neun vnd sechzigsten Artickels gestelter Ord
nung gehalten werden.

Syben den.

So dann auch Klagweys furbracht was argwhans
der Sylber halben so die hutten herren ym werck kauf
fen/furfallen/solchen verdacht abzuschneyden/ sollen die
hutten herren furder keyn Sylber ym werck kauffen/son
der alle solche Sylber sollen der herschafft vberantwort
doselbst gleych andern Sylbern bezalt/auch eygentlich
von was Zeche solche Sylber gemacht / vertzeyhent
werden.

Achten.

Sieweyl des wechssels halben groben Muntz Klag
furgefallen/sollen die Zehenter/Austeyler/Huttensch
reyber/Schichtmeyster vñ andere/die mit Taler muntz
vnd der gewercken gelde zuhandeln vnd lohnen haben/
mit wechssel solcher muntz/gar keynen vorteyl nach ge
nies suchen/auch die selbige Muntz anderst nicht dann
ym werht / so sie gemuntzt/auch wie sie dz gelt yeder zeyt
entpfahen vnd yhnen aus dem Zehenden gereycht wir
det/den Steygern/Hewern vnd andern erbeyttern fur
yhr lohn geben/vnd die vbertretter des/sollen von der
herschafft ernstlich gestrafft werden.

Neunden.

Sieweyl die Berckordnung nicht ausdruct was
dem

dem Berckmeyster vom helfffgelde/schatzen/kommer an
zustellen vnd abguthun/auch von schyden zwischen yr
rigen parteyen eynzuschreyben lassen 2c. zunemen gebu
re/vnd dann klagweys eynbracht/als solt hierynne bes
schwerlich gehandelt seyn/wollen wyr vnterhendeler/
ynn dysem vnd der gleychen stucken/billichs eynsehen zu
thun/der herschafft anheym stellen/damit nyemands be
schwerd noch vbersatzt werde/wie wyr dann auch den
eyngebrachten Artickel des Berckmeysters vnd Han
sen Roders Buchwerck betreffend/der herschafft zuge
stalt haben wollen.

Zehenden.

Der Berckmeyster soll keyne Kawen odder heuser
von verlegenen zechen abbrechen verkauffen oder veranz
dern/es seyn dann die Zechen darauff die stehen auff's we
nigst eyn halb Jar ym freyen gelegen/Sesgleychen soll
dem Berckmeyster eynig schaw Stuffen zunemen hynz
furt verboten seyn.

Eylfften.

Sollen Berckmeyster vnd geschworne ym vermes
sen lochsteyn setzen/frist zugeben eynfaren gebrechen zu
besichtigen/geding zumachen halten zuuerleyhen vnd
gemeynlich ynn allen andern sachen/auch soldt vnd be
lohnung darumb zunemen/sich allenthalben der Orde
nung gemes halten/vnd die nicht vberschreyten/bey
entsetzung yhrer ampt/oder ernster straff der herschafft.

Sesgleychen soll sich der Berckmeyster ynn straf
sen vnd bussen/den vbertretern aufzulegen der Ordes
nung vnd herschafft beselch verhalten.

Zwölfften.

Zwölfften.

Demnach an dysen Artickel nicht wenig gelegen auch grosse klagen eynkomen/soll hynfurder keyn schicht meyster nach steyger seyn ampt vnd beselch/auff eynen andern gemitten stellen/auch keyner eynen odder mehr gemieten odder gedingten lehr hewer knecht odder iunger haben/dann alleyn eyn steyger vnd schichtmeyster soll verlichem eyn iunger nachgelassen seyn/doch das die selbigen iungen also geschickt seyn/das sie yhren wochenlon verdienen mögen/welcher das vbergangen erfunden/soll seyns ampts odder dienstes entsetzt/vnnd zu keynem andern gebraucht werden.

Dreyzehenden.

Keyn Schichtmeyster odder Steyger soll keynen erbeytter nach hewer dringen odder sonst yn ander wege vrsachen nach mussigen/die kost bey yhme zu haben oder seyn nach der anderer Bier auszutrinken/vnd soll keyn erbeytter deshalben/widder an nach ab geleget werden/bey nechst obuerleybter straff.

Vierzehenden.

Wurde auch eyn schichtmeyster aus dem zehenden gefehrlicher weys mehr dann er zu notdurfft Berck vnd butten kost seyner Zech/dauon er sylber geantwort/bez dorfft/fordern vnd nemen/der soll seyns dienstes entsetzt vnd zu keynem mehr gebraucht werden.

Furffzehenden.

Schichtmeyster/Steyger vnd erbeytter sollen sich eyn yeder seyns gefazten lohns benugen lassen/von auss peuttenden Zechen odder gewercken keyn geschenck fordern/
B dern/

dern/Ob aber cynig gewerckschafft yhren Schichtmey-
ster oder Steyger vmb gehabts fleysse willen/eyn ver-
eherung thun wolde (dartzu doch nyemands verbundē)
so magt die dem schichtmeyster oder steyger yedem drey
Gulden/vnd daruber nichts mehr geben.

Sechzehenden.

Sennach klagend furbracht das mit der gewercken
vnd Berckwerges schaden/vbel geerbeyt vnd hynlessig
zugesehen / soll hynfurt cyn yetzlicher Schichtmeyster
auffn Steyger/der Steyger auff die erbeytter/vnd ges-
meynlich eyn yeder ynn seynem befelch/fleyssiger denn
anher geschehen/auffmercken vnd zusehen/darmit der
Ordnung allenthalben gelebet/die erbeyt fleysig gethan
vnd rechte schichten/nemlich acht stunden/wie die Ord-
nung gibt/gesaren vnd getreulich geerbeyt werden/son-
derlich soll keyn erbeytter vom ort odder von seyner er-
beyt faren/eher dann der Steyger ausklopfft/vnd nicht
wie anher geschehen des ersten Glockentlanges auff der
fahrt oder yn der kawen warten/welche das vberschreyt-
ten vermarckt/solln ernstlich darumb gestrafft werden.

Sybenzehenden.

Sieweyl die Berckordnung öffentlich antzeygt/
das keyn hewer nach hespeler/mehr dann eyn schicht fah-
ren/auch nicht mehr dann eynen lohn nemen/nach auff
sich soll schreyben lassen/welchem Artickel auch billich ge-
lebet wurde/dieweyl öffentlich das gemeyn Berckwerck
vnd gewercken nicht die wenigsten beschwerung an den
zweyen schichten/so alhie eyngewurtzelt/entstanden/ so
habē doch die vnterhender den armen zum besten souiel
fleys furgewand/das die herschafft(wiewol nicht ane be-
schwerung) nachgelassen die zwo schichten von dato an
bis

bis auffn anfang nechster rechnung Lucie zufaren/also/
das vom anfang yetzo genanter rechnung Lucie hynfurt
Keyner zwo schichten faren nach zwen lohn nemen odder
auff sich schreyben lassen soll/sonder die zwo schichten sol
len alsdan gantz vnd gar auffgehoben vnd abgethan seyn
vnd bleyben/auch Keyner mehr dan cyn schicht faren vn̄
nur eyn lohn nemen oder auff sich schreyben lassen/darob
soll auch die herschafft amptman/berckmeyster/geschworne
vnd andere treulich vnd fleysig halten/es soll od
der doch die weyl erbeyt nemlich eyn pose vnd nicht wey
ter/auch scherpfen eynem yeden frey stehen vnd vnuer
boten seyn: Vnd hiermit sollen alle bierschichten/es
sey auff montag donnerstag oder andere tage abgethan/
auffgehoben vnd verboten seyn. Welcher auch yn eynem
oder mehr obuerleybte artickeln fellig befunden soll seyns
ampts odder dienstes entsatzt/vnd ferner zu Keynem ges
braucht noch gefordert werden.

Achtzehenden.

Wo eyner zwene oder bis yn vier gewercken /eygene
gebeude oder zechen hetten/der oder die sollen die mit der
weyl erbeyt die geschehe vor oder nach mittage bauhafft
tig erhalten/wo aber zwo schichten furgewerckt/oder die
zeche fundig wurde/alsdan soll die berckleufftiger weyse
gebawet werden

Neutzehenden.

So dan auch der sylber halben so ym zehenden geant
wort klag furbracht/sollen hynfurt alle sylber so ym zehen
den geantwort/kalt vnd yn gegenwart des schichtmey
sters so das vberantwort hat/gewegen werden.

Zwanzigsten.

Was der stollen halbe mit vberfaren vnd verlassen/
B ij cluffre

cluffte/ genge odder ander geschickē ym zwey vnd zwanzigsten artickel der Berckordnung verschē/ darbey soll es auch vngachtet der eynbrachten die vmb manicher hand gefahr willen bleyben.

Eyn vnd zwanzigsten.

Als auch ym antragen masse zugeben gebeten/ wie tieff eyn stolle den andern zuenterben eynkomen solle darz auff ist beschlossen was stollen hynfur vnd nach disem dato angefangen wurden/ der odder die sollen syben lachter seyger gericht eynet vnter dem andern enterbet/ auch keyn neundes erlangt haben/ es soll aber doch wo es vmb eyn halb lachter auff oder ab mangelte/ vngeuerlich seyn.

Zwey vnd zwanzigsten.

Betruck vnd schaden des eysens halben wie sollichs yn klage furgesallen abzulenen/ soll es der massen gehalten werden/ das keyner der mitt eysen handelt eynig eysen/ wann yhne das bracht wird abladen nach eysen soll es sey dann zuuor yn der verordneten stat wag durch den geschwornen wagnmeister gewegen/ vnd sollen der keuffer vnd verkeuffer zugleych dem wagnmeister von zweyen wagen eynen kleynen pfenning geben. Volgen soll eyn yeder schichtmeister vnd ander die eysen notdurfftig/ das eysen von dem verkeuffer anderst nicht/ dann nach rechtē gewicht yn seyner gegenwart gewegen vmb zimlich gelt nemen/ vnd die vbertreter sollen von der Oberkeyt herzticklich ym straff genomen werden.

Drey vnd zwanzigsten.

Sie obrickeyt soll geburliches eynschen thun/ darnit die yeningen so mit vnslit handeln nach steygen vnd fallē der keuffe/ eyn gleychen kauff geben/ vnd an zimlichem gewyn

gewyn begenugick seyn/damit hynfurt keyn beschwerli-
ches steygen eyngesurt odder geubet werde.

Vier vnd zwanzigsten.

Zu förderlicher vnterhaltung frides vnd eynickeyt/
auch zuuerdruckung aller zwyspalt sollen die schichtmey-
ster/steyger vnd andere yhre hewer vnd erbeytter dem
haubtman mit namen angeben vnd furbringen/die solle
yn eyn sonderlich amptbuch vntern namen rotmeysters
geschriben/vnd der herschafft zimliche Eydespflicht
thuen. Vnd wann sich deren eynere oder mehr wesentlich
von hymnen wendet/sollen sie auch gethaner pflicht le-
dick seyn/welcher sich aber widderumb alhier niderlassen
wurde/der soll auch widderumb furbracht/eyngeschrie-
ben vnd auff's new/mit pflichten eyngenomen werden.

Funff vnd zwanzigsten.

Sieweyl auch nach des ausschus selbest antzeygen
die bucher vnd register ynt auffstehen zurißten/daraus
dann volget das man nicht eygentlich wissen mag / wel-
cher vereydet odder nicht/auch die weyl die burger odder
besessene dem rath mit keynen pflichten zugethan/dar-
aus dann vngheorsam erfolget/so sollen alle besessene vñ
vnbessene zu gelegner zeyt auff erforderung der hersch-
afft auff's new yn viertel register verschreyben/vñ graff
Steffan Schlick zc. persönlich fur sich vnd seyne Bru-
der geburliche eydes pflicht thuen vñ dem rath yn krafft
solliches eydes mit eynem handschlage gehorsam zusagē.

Sechs vnd zwanzigsten.

C

Aus

Aus ergangnem furtragen ist befunden/das diese auf
stehen vnnnd ergangene thetliche eyngriffe durch etzliche
leychtfertige/eyngefirt vnd ergangen seyn soll vnd das
volgent der rath gemeyn vnd knapschafft/welche lieber
fryd gehabt vnd sich yhres gehorsams gegen der hersch-
afft geburlich verhalten hetten von den selbigen yn diese
auffstehen gemussiget/vnd das derwegen die gehorsame
vnd vnschuldige diser sachen halben vnbillich beschwerd
oder verletzt werden/wie dann auch die schuldige yhres
verhandlung nach nicht zuentschuldigen seynd.

Syben vnd swantzigen.

So dann auch yn diesem auffstehen etlich raths vnnnd
gerichts bucher vn̄ register auffm rathause vnd sonst yn
ampten zurissen vnd zunichtiget/auch anders dem rath
vnd gemeyn zustendigē oder zu getrewen handen hynter
leger entwand worden/villeych auch etliche brieffe von
etlichen personen vn̄bewost/datzumall der verordneten
ausgangen / ist befunden / dieweyl solliche verhandlung
von leychtfertigen personen/vnd sonder eyntrechtige be-
willigung rath/gemeyn vn̄ knapschafft alhie der wegen
mit billickeyt nicht möchten angezogen werden/doch wo
das fur siele/stellen wyr die vnterhendeler sollichs von der
wegen bey denen es mit billickeyt gesucht werden möch-
te/ynn fahl des rechten.

Acht vnd swantzigen.

Zu förderung cynickeyt soll die knapschafft hynfurt
yhre eltisten wie anher geschehen/als vier besessene vnnnd
vier vn̄besessene eruelen/vnd die eruelen/der hersch-
afft

afft furbringen/die selbigen yhres gefallen zubestettiget
vnd mit sonderlichen pflichten dazu zuuereyden.

Neun vnd zwanzigsten

Leychtfertige vrsachen zu fernern auffstehen abzu-
lenen vñ furtzukomen/soll eyn lade mit zweyen schlossen
gemacht/dareyn beyde des raths vnd knapschafft senlen
geleget/der rath eynen vñ die knapschafft den andern
schlüssel haben/vnd yns raths verwarung genomen wer-
den/solcher senlen yn redlichen notsachen/das land oder
herschafft belangend/zugebrauchen/sollen auch alle an-
dere senlen/soutel der verhanden vberantwort werden.

Dreyssigsten.

Sie knapschafft soll yhren kassen vmb mehr sicher-
heyt frydes vnd eynickeyt willen/dem rath alhie vnter-
geben/den selbigen beneben des rathes kassen zuuerware
vnd zu solchem kassen sollen die elrsten zum wenigsten/
drey oder vier schlüssel haben also das keyner hynter dem
andern auffsperrren möge. Soch soll der rath wider mit
eynnemen nach ausgeben der knapschafft zu schaffen ha-
ben/sondern das soll wie anher bey der knapschafft stehē.

Eyn vnd dreyssigsten.

So dann der verordent ausschus furbracht/als soltē
ym auffstehen villeych etzliche vnschickerliche brieffe/
auch hynter der verordenten bewust/vnter der knapsch-
afft sygil ausgegangen seyn darob gefar zubeforgen/ domit
aber dergleychen fahl verhuttet/soll die knapschafft yhr

C ij sygil

sygil yn das beytestlen/so yn obbemeltem yhren kasten
ist/legen/zum selbigen sygil oder beytestlen/soll der rath
eynen/vnd die eltisten der knapschafft den andern schlu:
ssel haben. Vnd die eltisten odder knapschafft sollen key:
nen brieff ausgehen lassen/der sey dann vorhyn yn bey:
wesen eynes Burgermeysters vn̄ zweyer des rats/auch
ob es nott were/yn beysyen etlicher von der gemeyn/ver
lesen/vnd soll auch sobaldt ynn obbemelter personen ge:
genwardt/vnd sonst nicht /besigelt/alsdann das Sygil
widerum yn sollichs testlen hynterlegt vn̄ behaltē werde.

Zwey vnd dreyssigsten.

So dann Graff Steffan Schlick 2c. ym handel er:
getzung/erlidener scheden vnd entwanter hab/begert/
haben wyr yhne mit freuntlicher vnd dienstlicher bit da:
hyn vermocht/das er soliche förderung gegen dem rath
gemeyn vnd knapschafft yn genediges vergessen/gestels
let/Wedoch soll yhne gegen den schuldigen sondern per:
sonen seyns gefallens mit peynlicher odder burgerlicher
rechtlicher straffen/zumerfaren vnd ergetzung sollicher
scheden/souiel möglich/an yhnen zubezomen vnuersper
ret bleyben. Desgleychen soll graff Steffan Schlick 2c.
wo yn burglicher straffe von den schuldigen etwas zube:
zomen seyn wurde/aus gnedigem willen dyses eynsehen
thuen/darmit die beschedigten sondere personen etwas
ergetzung yhrer scheden/souiel möglich erlangen möch:
ten. Auch soll den beschedigten sondern personen vorbe:
halten seyn/wo sie eynen oder mehr von denen/so yhnen
ym auffstehen beschedigung zugefugt/antrreffen möch:
ten/geburlichs rechtens wider sie zugebrauchen/dartzu
sollen sie auff yhr zimlichs ansuchen/obs not von der her
schafft

schafft/rath/gemeynen vnd knapschafft mit zimlicher
hulffe vnd rathe versehen werden.

Drey vnd Dreyssigsten.

Nachdem dann zuuor zwischen der herschafft vnd
knapschafft ym Thaleyn anlas des auffstehens halben
bered/bewilliget vnd versigelt/darynnen vnter andern
ausgedruckt/wes sich die knapschafft ferner auffstehen
zuuerhutzen verhalten solt/vnd aber der selbige anlas yn
dysen auffstehen von etlichen freuelern vberschritten/
vnd darwider gehandelt. Samit nun solchs vnd derz
gleychen auffstehen/souiel ymmer möglich/verhuttet/
so sollen rath/gemeyne/knapschafft/auch alle dyses tals
eynwoner hynfurt zu ewigen zeyten keyn auffstehen mer
machen/Wo sie aber das vbergehen vnd fellig wurden/
sollen alle die so vrsachen mit rathe odder that dartzu ge-
geben/auch alle die so fursetzlich vnd mutwillicklich/
hulff/furschub vnd förderung dartzu thetten/ gegen der
herschafft/leybes/eheren vnd guttes verlustick seyn.

Ob yhnen aber eynicherley gebrechen odder beschwe-
rung von der herschafft oder amptleuten/surfallen wur-
den/sollen sie solliche geburlicher weys an die herschafft
gelangen lassen/vmb anderung vnterthenicklich ansuchē
vnd bitten/vnd wenn sie alsdann keyn geburlichs eynses
hen erlangeten/sollen sie sollichs furder ander herschafft
freunde vnd gutte gönner tragen/die sollen vnd werden
zimlicher weyse fernere ansuchung zuthun wissen/dar-
mitt alle solliche gebrechen/abgestellet/gute anderung
auffgerichtet/vnd erhalten werde.

Vier vnd Dreyssigsten.

C iij Semnach

Sennach ym ersten anlasse/durch den wollgeborne
Burggrauen Alexander von Leybnig zc. vnd die gesch
ichte von S. Annaberg auffgericht etliche verfehunge
beschehen/solles auch bey den selbigen/was hierynnen
nicht abgethan odder gebessert worden/bleyben/vnd ge
halten werden.

Funff vnd Dreyssigsten.

Soll eynem yeden dem eynig ampt odder dienst ym
dysen Thal eyngethan/die artickel gestalter Ordnung
dyses vertrags/vnd was yedem zu wissen nott oder was
eynes yetzlichen ampt vnd dienst belanget/vntergeben
werden/darnit sich eyn yeder seynes beuelchs zuhalten/
vnd Keyner vnwissenheyt zu entschuldigen/vnd auch
fur schaden zuuerhuten wisse.

Beschluss.

Dysen schid vnd vertrag ym allen vnd yetzlichen
seyne puncten/Clauseln vnd Artickeln/haben die
Part gegenwertlichen/gelobet/geliebet/gewilliget vñ
angenomen/dem selbigen nachzugeleben/vnd wie gebur
lich geuölgick zu seyn/zugesagt. Des zu mehrer sicher
heyt/stetter vnd fester haltung/ist der selbige getzwis
sacht/eyner Graff Steffan Schlick zc. der ander dem
Kathe/Gemeyn vnd Knapschafft eynförmiges vnd
gleyches lautes/doch aus kurtze der zeyt ym zweyerley
handschrift zugestellet vnd gegeben. So haben auch
offtgenanter Graff Steffan Schlick zc. fur sich vnd
seyne Gebruder/Kath vnd Knapschafft/vonn wegen
yhr selbst vnd yhrer gemeyne/als Principalen/so dysen
handel

handel belangen, vnd auch zum vberflus/wyr obgenan:
ten vnterhendeler alle vnd yetlicher ynn sonderheyt
vnser angeborne Sigil vnd Petschier als getzeu:
gen/hieran wissentlich thun henge. Gesche:
hen ynn Sanct Joachims Thale/Nach
Christi vnser lieben Herren Ge:
burt/ funffzehnhundert vnd
yndem funff vnd zwanz:
zigsten Jar/ Freyta:
ges nach heym
suchung ma
rie.



Faint, illegible text, likely bleed-through from the reverse side of the page. The text is arranged in several lines and is significantly faded.




2/10. 11705

X 2206995

Rest. / Sch.
Jul. 86

M. R.







Auffgerichte handlung
zu notdurfft vnd förderung des Berg
werges bneben zuor angenommer vnd ausgegang
ner Ordnung/ Inn S. Joachims Thale.

